



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

CXVII. Markgraf Johann verleiht den Gebrüdern Albrecht zu Spandow zwei Hufen zu Wustermark, am 19. April 1427.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

deputaré — Datum Berlin, anno domini Millefimo quadringentesimo vigesimo quarto, vigesima quinta die mensis nouembris, nostro sub sigillo subappenso.

Nach dem Originale des Geh. Staats-Archives.

CXVI. Markgraf Johann verkauft wiederkäuflich einem Bürger zu Spandow gewisse Getreidepächte aus dem Dorfe Wernitz, am 28. März 1427.

Wir Johans, von gots gnaden Marggraue czu Brandenburg vnd Burggraue czu Nuremberg, Bekennen öffentlichèn mit diesem briefe, das wir vnd vnser erben vnserem lieben getrewen peter michil, purger czu Spandow, vnd seinen erben auff einen rechten widerkauff verkaufft haben in vnserem dorffe Wernicz auff Bartholmeus houe dritthalben wispel rogken, auff hanns Reinkens hoff czwen wispel rogken vnd auff kertens houe anderthalben wispel rogken ierlicher rente für LX schok bemischer grosszen, die er vns an kleinen pfenningen wol czu dancke bezalt hot, der wir In qwydt, ledig vnd loz fagen: vnd wir geben Im auch die auff einen widerkauff czu kauffen In crafft dieses briefs, also das die obgnanten, die auff die houe sitzen, demselben peter michil oder seinen erben alle iar ierlichen die obgeschriben VI wispel rogken geben, Im die czu rechter czeit czu hawfz vnd czu houe furen sullen. Geschege des nicht vnd sie dar Inn seimig wurden, so mag der obgnante peter michil der huben czu den houe gehorende aufz den reisten VI wispel rogken ierlichen nach seinen vermugen gnieszen vnd darumb aufzthun so lang, biz wir oder vnser erben dem gnanten peter michil oder sinen erben die obgeschriben summa geldes wider loszen wollen, des wir doch alle iar ierlichen von gebung diecz briefs auff sant mertens tag auff czu fagen vnd denn darnach auff vnser frawentag lichtmezschirft die obgeschriben summa geldis an grosschen an Rinischen golde oder an kleinen pfenningen czu bezalen, willen vnd ganzèn gewalt haben sullen vnd wollen on geuerde etc. — vnd geben Im des czu einem lawyfer den Gestrengen vnser hobtmann vnd lieben getrewen haffen von Bredow, ritter. Czu vrkunde mit vnsem anhangendem Infigel uerfigelt vnd geben czu Spandaw, an dem freitag für den fontag le tare ierusalem, Anno dominj etc. XXVII^o.

R. dominus per se et examinavit.

Nach dem Churmärk. Lehnsopialbuche XVI, 5.

CXVII. Markgraf Johann verleiht den Gebrüdern Albrecht zu Spandow zwei Hufen zu Wustermark, am 19. April 1427.

Wir Johans, von gots gnaden Marggraff czu Brandenburg vnd Burggraff czu Nuremberg, Bekennen öffentlichèn mit diesem briefe für allermeniglich, das wir vnsern lieben getrewen peter vnd Jorgen, gebrudern, die allembrechte gnant, czu Spandawe, czu einer gefampnen handt vnd czu rechten mannehen gelihen haben czwu huben vnd einen houe, darauff yeczunt Sy-

Sauptth. I. Bd. XI.

11

nerstorff wönt, in wultermarcke gelegen, die sie von Arnd von lindow gekaufft haben, der selbe sie also fur vns uerlassen hat, vnd wir verleihen In dieselben huben vnd hoff in crafft diecz briefs also, das sie vnd alle ir menlich leibzerben die fur bazz mehr allewege als oft des nod geschicht von vns vnd der Marggraueschaft czu Brandenburg czu rechten mannehen haben, nemen, entphaen vnd vns douon halten vnd thun sullen, als mannehehs recht vnd gewonheit ist. Wir verleihen auch den obgnanten peter vnd Jorgen hallenbrechten die obgeschriben huben czu einer gefampten hand etc. — Czu vrkund mit vnserm anhangenden Insigel uerfigelt vnd geben czu Berlin, am heiligen Oster abund, nach Cristi vnser herren geburt vierzehenhundert Jarē vnd darnach in dem Siben vnd czweinczigsten Jaren.

R. dominus per se.

Nach dem Churm. Rehuscopialbuch: XVI, 21.

Im Jahre 1427 consentiet der Markgraf Johann auch in einen Verkauf auf Wiederkauf, den Ludwig von der Groben mit 12½ Stücken Geldes aus 4 Höfen in Bornim an Peter, Hans und Jorgen, Gebrüder Hallenbrecht zu Spandow, vorgenommen.

CXVIII. Markgraf Johann kauft von Johann von Sparre dessen Burglehn zu Spandow für 100 Schock und stellt wegen der Bezahlung gewisse Bürgen, am 18. November 1427.

Wir Johans, von gotes gnaden Marggraff zu Brandenburg vnd Burggrauē zu Nuremberg, Bekennen offentlichen mit diesem brief für allermeniglichen, das wir vnd vnser erben vnser lieben getrewn hannsen Sparren, Gertruden seiner elichen hauzfrawen vnd iren rechten erben vnd zu getrewer hand ludewigen Bernde vnd Bertolde, gebrudern, die Sparren genant, rechter redlicher schult schuldig wurden sein hundert schog Bemischer groschen oder fouil reinischer gülden oder fouil landzwerung, do einer dem andern hundert schok mit bezalen mag, für sein Burglehen, auf vnserm Sloffe Spandaw gelegen, mit allen vnd yeczlichen zugehorungen, das wir jm abgekauft haben; die selben obgeschriben summa geldes wir vnd vnser erben den genanten hannsen Sparren, seiner elichen hauzfrawen, iren erben vnd iren getrewelzhandern auf diessen nechstkünftigen sant michels tag gütliehen vnd wol czu dancke bezalen sullen vnd wollen on arg vnd ongeuerde. Wer aber, das wir oder vnser erben den genanten hannsen Sparren, seiner elichen hauzfrawn, iren erben vnd getrewelzhandern die obgeschriben summa geldes auf die obgeschriben tagezeyt nicht bezalen, als obgeschriben steet, welicherley schaden denn der genant hanns Sparre, sein eliche hauzfrawe, ir erben oder getrewelzhandern vmb der nicht bezalung willen teten oder nemen zu Cristen oder zu Jüden auff kisten pfande, das beweizlicher redlicher vnd vngeuerlicher schade hiez vnd wer, den selben schaden sullen vnd wollen wir obgnanter marggraff Johans vnd vnser erben den obgnanten hannsen Sparren, seiner hauzfrawn, iren erben vnd getrewelzhandern mit sampt dem hauptgüte gütliehen vnd wol zu dancke bezalen on arg vnd ongeuerde: vnd des zu merer sicherheyt haben wyr zu vns zu bürgen gefeczt die Erbarv vnser lieben getrewn Achym vnd hanns haken, gebrudern, hannsen von Bern, hannsen falkenreden, Otten briefzke, peter mußholue, ott wigkhauz